



mjesečni Bilten

omladinska mreža bosne i hercegovine

januar
siječanj
2018.

224

Dragi prijatelji/ce,

Predstavljamo vam januarsko izdanje mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine, koja za sada broji **184** organizacije i **115** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.omladina-bih.net



SADRŽAJ

Aktivnosti u januaru 2018.....	2
Planovi za februar 2018.	5
Aktivnosti članova mreže	6
Nove članice mreže	14
Saopštenja/informacije/donatori/pozivi	15

Uživajte u čitanju!

AKTIVNOSTI ORC/HCA U JANUARU 2018.

„Mladi za bolju budućnost“



U okviru projekta „Mladi za bolju budućnost“, koji ORC Tuzla uspješno realizuje od septembra mjeseca 2017. Godine, a pod finansijskom potporom Ambasade Sjedinjenih Američkih Država u Bosni i Hercegovini i Grada Tuzla, u toku mjeseca januara aktivnosti su bile usmjerene na organizaciju radionica sa partnerskim organizacijama u njihovim gradovima. Isto tako, organizovali smo i radne sastanke sa našim peer edukatorima na kojima smo definisali sve teme i detalje

radionica koje će biti održane tokom februara.

„Divided past – Joint future“

U okviru partnerskog projekta koji se realizuje u šest država Balkana i Turskoj, Omladinskom resursnom centru Tuzla je povjerena realizacija mirovne nacionalne kampanje u Bosni i Hercegovini. U sklopu ove kampanje planirani su okrugli stolovi i diskusije u Tuzli, Banja Luci i Sarajevu, praćene press konferencijama, na kojima ćemo putem medija javnost šire upoznati o istraživanju pod nazivom: „Proces pomirenja u državama zapadnog Balkana i Turske“.

<http://jointfuture.org/wp-content/uploads/2017/12/Process-of-Reconciliation-Qualitative-study.pdf>

U toku mjeseca januara, u okviru pripremnih aktivnosti, kreiran je vizuelni identitet kampanje (naljepnice, majice, baneri) koji je uradio član omladinske grupe Eldin Subašić, a njegove uratke možete pronaći na našoj „facebook“ stranici:

<https://www.facebook.com/JOINTFUTURE>.

Također, tokom mjeseca februara planirana je radionica za mirovne aktiviste, koji će imati priliku da se upoznaju sa Kintsugi tehnikom, te kroz aktivnosti Fleš moba i Vremenske kapsule ukažu na značaje pomirenja na Balkanu.

Ovaj tekst je napisan kao dio projekta Divided Past – Joint Future, te u sebi ne sadrži, niti predstavlja mišljenja ni stajališta Evropske Unije, njenih institucija i tijela. Odgovornost za informacije i poglede iznešene u tekstu snosi u potpunosti sam autor teksta.



Youth work in progres – prvi sastanak partnera



U Sremskim Karlovcima (Srbija), u periodu od 28. do 31. januara ove godine održan je sastanak partnera u okviru projekta Youth work in progres. Ovaj projekat podržava Evropska Unija, kroz program Erasmus +. Nositelj projekta je SEEYN (Mreža mladih jugoistočne Evrope), a partneri su nevladine organizacije iz: Albanije, Bosne i Hercegovine, Srbije, Bugarske, Makedonije, Italije, Litvanije, Slovenije,

Turske, Grčke i Crne Gore.

Glavni cilj projekta Youth work in progres je povećanje kvaliteta i samoodrživosti omladinskih programa, putem razvoja omladinskih radnika i lidera, a kako bi se obezbijedio inovativan, moderan i kvalitetan servis za mlade koji će efektivno odgovoriti na trenutne socio-ekonomske potrebe mladih ljudi u EU i zemljama zapadnog Balkana.

Tokom sastanka partneri su definisali sve neophodne aktivnosti u okviru projekta, te su potpisali memorandum o saradnji.

Jedna od početnih aktivnosti unutar projekta je trening „Logging in“, koji će biti održan u Ulcinju, Crna Gora u martu ove godine. Cilj ovog treninga je povećati kapacitete omladinskih radnika u razvoju i kreiranju relevantnog on-line materijala i alata kroz različite platforme.



Omladinska grupa ORC Tuzla

Sastanak Vijeća mladih grada Tuzla



U Tuzli je 24. januara održan sastanak Upravnog odbora Vijeća mladih grada Tuzla. Ovo je bio ujedno i prvi sastanak vijeća u novoj 2018. godini. Na sastanku koji je protekao u izuzetno dobroj atmosferi sumirani su dosadašnji rezultati i dogovoreni planovi u novoj godini.

Članice su izrazile zadovoljstvo što je Vijeće mladih grada Tuzla prihvaćeno u Vijeće mladih Tuzlanskog kantona. Također je dogovoreno organizovanje strateškog planiranja, kako bi se precizirali zadaci i obaveze u narednom periodu.

Sastanku je prisustvovao i predstavnik Fondacije Tuzlanske zajednice, koji je predstavio projekat pod nazivom "Sam svoj gazda", a koji ima za cilj najbolje mlade poduzetnike podržati sa 5.000 KM u pokretanju vlastitog biznisa. Na sastanku Vijeća mladih grada Tuzla prisustvovao je član Omladinske grupe Omladinskog resursnog centra Tuzla Adi Selman.

UMiD

U januaru 2018. godine se održao 10. modul obuke UMiD (uči, misli i djeluj). Organizatori su Institut za razvoj mladih KULT, YES Centar Sarajevo i SOS Dječija sela BiH. Trenerica ovog modula sa temom „Građanski aktivizam i pokretanje lokalnih građanskih inicijativa“ bila je Katarina Vučković, koja je članica KULT-a. Modul je trajao dva dana, 13. i 14. januara, a sve se dešavalo u prostorijama sarajevskog YES Centra. Učešće je uzelo 13 mladih ljudi iz različitih gradova u BiH.

UMiD-ov 10. modul je bio posljednji u sklopu obuke za omladinske lidere/ice, čiji je kraj, koji se završava certificiranjem, predviđen za 23. i 24. februar.



Cilj je osposobljavanje aktivnih i mladih ljudi da postanu omladinski lideri/ice, a cjelokupno trajanje treninga je 7 mjeseci.

Na UmiD obuci učestvovala je i nova članica Omladinske grupe Omladinskog resursnog centra Amila Žero

SSST Winter Academy 2018.



SSST Winter Academy 2018 trajala je 5 dana, od 15. do 19. januara 2018. godine. Akademija je održana u prostorijama SSST- Sarajevo School of Science and Technology.

Prvi dan se učesnicima obratio kancelar i osnivač SSST-a, dr. Ejup Ganić, sa kratkim uvodom o temi kompjuterskih nauka i predavanjem o osnovama 3D modelinga. Nakon ručka, održana je sesija sa studentskim klubom „Enter“.

Drugi dan bilo je predavanje o udjelu psihologije u personalizaciji web stranica za korisnike, te uticaj sadržaja stranice na emocije korisnika. Nakon ručka, održana je sesija sa studentskim klubom „Sport and recreation“.

Trećeg dana održano je predavanje o energetici i osnovama stabilnosti energo-distribucijskih mreža, te kako je IT sektor uticao na energetiku. Nakon ručka, održana je sesija sa studentskim klubom „Model UN“

Četvrtog dana održano je predavanje o data bazama, njihovim primjenama u svakodnevnom životu, te konstruiranje jednostavne databaze u Oracle-u. Nakon ručka, održana je sesija sa studentskim klubovima „Film and picture“ i „The Flying Sticks“.

Peti dan je bila završna ceremonija. Obraćanje dr. Ejupa Ganića, dekana smjerova CSIS, ECON, FL, PSIR i SFA. Dodjela certifikata. Nakon ručka, svim zainteresovanim učesnicima pružena je prilika da odrade prijemni ispit za smjer koji žele.

Na SSST Winter Academy 2018 učešće je uzeo i novi član Omladinske grupe Omladinskog resursnog centra Deni Trumić.



REDOVNE AKTIVNOSTI ORC I HCA TUZLA

Tokom januara radili smo na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA FEBRUAR 2018.

- U toku februara u okviru projekta **Youth for better future** planiramo realizovati 4 radionice sa po 25 mladih ljudi, koji će imati priliku da kroz interaktivan rad uče i rade sa vršnjačkim edukatorima ORC Tuzla. Radionice su planirane za 9., 10. i 11. februar u Brčkom i Tuzli, dok će se u Doboju i Vitezu realizovati 16., 17. i 18. februara. Ukoliko ovo čitate, a dolazite iz gore navedenih gradova i zainteresovani ste za naše radionice koje će za temu imati Identitet, stereotipe, predrasude i diskriminaciju možete nam se javiti na www.facebook.com/ORCTuzla ili orctuzla@bih.net.ba
- Također, tokom mjeseca februara u sklopu projekta **Divided Past – Joint Future** planirana je radionica za mirovne aktiviste, koji će imati priliku da se upoznaju sa Kintsugi tehnikom, te kroz aktivnosti Fleš moba i Vremenske kapsule ukažu na značaje pomirenja na Balkanu.
- Sprovođenje redovnih aktivnosti kroz Omladinsku mrežu Bosne i Hercegovine;
- Pripreme i start partnerskog projekta sa PRONI Brčko i holandskom organizacijom „Pax for peace“ – „Mladi u borbi protiv nasilja i ekstremizma“. Projekat je podržan od holandske Ambasade u Sarajevu, u okviru programa MATRA.

AKTIVNOSTI ČLANICA OMLADINSKE MREŽE BiH



PRONI Centar za omladinski razvoj
Ul. Mehmedagića 24, 76100 Brčko distrikt BiH
Tel./Fax: +387 49 217 695
E-mail: pronibrbc@teol.net
www.pronibrcko.ba

Povećanje učešća mladih u izbornom procesu



PRONI Centar učestvovao je na okruglom stolu "Povećanje učešća mladih u izbornom procesu", u sklopu promocije inicijative za proglašenje "Svjetskog dana izbora", koji organizuje Centralna izborna komisija BiH u Centru za edukaciju Sarajevo. Na okruglom stolu su učestvovali predstavnici asocijacije mladih iz svih entiteta, predstavnici Centralne izborne komisije, Vijeće mladih FBiH, kao i Ministarstvo civilnih poslova.

PAOR – PRONI Akademija omladinskog rada

Održan je prvi modul naše obuke sa oko 50 mladih iz 26 mjesnih zajednica i [Mreža omladinskih klubova Mreža klubova za mlade](#) iz Brčkog na teme:

- "Istorija omladinskog rada",
- "Zakonska rješenja za mlade",
- "Rad sa grupama",
- "Igre u radu sa mladima",
- "Priprema aktivnosti za mlade".



#reGeneracija



[#reGeneracija](#) će ove godine imati svog predstavnika na "Innovation in Participatory Democracy" konferenciji u Phoenix, Arizoni, SAD. Dejan Rađen će kao jedan od govornika na konferenciji predstaviti projekat #reGeneracija, dokumentarac u čijem snimanju učestvuje, te lokalne projekte koje mladi u sklopu ovog projekta implementiraju u Drvaru, Brčko Distriktu, Gornjem Vakufu - Uskoplju, Kotor Varoši, Doboju, Stocu, Jajcu, Zvorniku, Prijedoru i Sanskom Mostu.

Ispeci pa reci

U okviru projekta "Ispeci pa Reci" kojeg PRONI Centar za omladinski razvoj realizuje uz podršku SHL-a Sarajevo, u Omladinskom centru održano je prvo okupljanje primljenih učesnika. Dogovorili smo način rada za naredni period i podijelili prve zadatke.



Cilj projekta je ukazati na prisutnost govora mržnje među mladima u Brčko distriktu, a kao krajni rezultat mladi ljudi će u vidu pozorišne predstave ponuditi i moguća rješenja.



H.O. MUSLIMANSKO DOBROTVORNO DRUŠTVO – MERHAMED DOBOJ

Ul. Kralja Aleksandra 17, 74000 Doboje

Tel./fax: +387 53 226 886

E-mail: merhamet.doboj@cutuk.net

FB: www.facebook.com/Merhamet-Doboj

U mjesecu januaru se uglavnom evidentiraju godišnje aktivnosti: završni račun, održavanje skupštine, prijedlozi za nove projekte.

Od ostalih aktivnosti izdvajamo:

15.01. održan je sastanak koalicije "Tolerantno i pozitivno" Doboje. Prisutni su bili članovi koalicije i predstavnici OSCE-a iz Sarajeva i Banjaluke. Na sastanku smo razmatrali dosadašnje rezultate i aktivnosti koje će se realizovati u 2018 godini. Sastanak je bio konstruktivan i nadamo se dobrim rezultatima.




Institut za
razvoj mladih KULT



Ul. 4. Viteške brigade
34 – 36 BA, 71210 Ilidža,
Sarajevo
Tel: +387 33 778 778.
Fax: +387 33 778 79
E-mail: kult@mladi.org,
web: www.mladi.org

Vrijeme je za 13. Generaciju lidera/ica Institutove obuke Uči, misli i djeluj!



realizaciju savjetodavno i finansijski podržati Institut.

Institut za razvoj mladih KULT raspisao je javni poziv za jednogodišnji program obuke omladinskih lidera/ki UMiD (Uči, misli i djeluj!), Generacija 13.

Obuka UMiD mladima omogućava da postanu aktivni/e lideri/ice u svojoj lokalnoj zajednici i potpomognu u rješavanju problema mladih, upoznaju nove prijatelje, nauče nove vještine, druže se i usavrše sebe.

Tokom obuke održati će se sedam dvodnevnih radionica i ljetna škola na kojima će mladi naučiti mnogo o aktivizmu, timskom radu, volontiranju, javnom zagovaranju...

Tokom obuke mladi će dobiti priliku da sa drugim mladim ljudima osmisle konkretnu akciju u cilju rješavanja postojećeg problema u lokalnoj zajednici, čiju će

Usvojen Nacrt strategije prema mladima KS

Početakom 2018. godine usvojen je Nacrt strategije prema mladima Kantona Sarajevo.

Vlada Kantona Sarajevo na ovaj način iskazala je spremnost na sistemski rad na poboljšanju položaja mladih u ovom kantonu.

Ovakav Nacrt kreiran je po prvi put u ovom kantonu, a kreiralo ga je Ministarstvo za obrazovanje, nauku i mlade KS, uz podršku predstavnika/ca svih resornih ministarstava, skupštinskih tijela, Grada Sarajeva, Studentskog parlamenta UNSA, Asocijacije srednjoškolaca BiH i Vijeća mladih KS, te na razmatranje uputilo Vladi.

Riječ je o dokumentu koji nudi sistemski pristup mladima i u fokus stavlja njihove potrebe kroz sedam ključnih oblasti: obrazovanje, zapošljavanje, zdravstvo, slobodno vrijeme, sigurnost, mobilnost i oblast socijalne zaštite.

Usvajanje ovog dokumenta značit će početak sistemskog uređenja oblasti koje se tiču mladih, a koji će uz akcione planove pružiti mogućnost mladima Kantona Sarajevo da kroz poboljšane institucionalne mehanizme ostvare svoja prava.

Iako je tek usvojen Nacrt strategije, ovo je svakako veliki korak za Kanton Sarajevo. Ono što predstoji u narednom periodu je dostavljanje Nacrta strategije na razmatranje Skupštini Kantona Sarajevo.

Proces izrade Strategije prema mladima koordiniralo je Ministarstvo za obrazovanje, nauku i mlade Kantona Sarajevo. Institut za razvoj mladih KULT je stručno-savjetodavna podrška Ministarstvu za obrazovanje, nauku i mlade Kantona Sarajevo za pružanje podrške u procesu izrade Strategije prema mladima Kantona Sarajevo.

Mladi u Tuzlanskom kantonu u 2018. Godini u fokusu

Tuzlanski kanton 2018. godinu započeo je stavljanjem mladih u fokus djelovanja vlasti.

Prvog dana ove godine, stupanjem na snagu Zakona o izmjenama i dopunama Zakona o ministarstvima i drugim organima uprave Tuzlanskog kantona, formirano je Ministarstvo za kulturu, sport i mlade Tuzlanskog kantona.

Cilj formiranja novog ministarstva je unaprjeđenje i pružanje podrške razvoju oblasti kulture i sporta, te jačanja položaja mladih u Tuzlanskom kantonu.

Prema najavama iz Ministarstva za kulturu, sport i mlade Tuzlanskog kantona u narednom će periodu, a u skladu sa strateškim opredjeljenjima Vlade Tuzlanskog kantona, kapaciteti biti usmjereni ka razvoju oblasti kulture, sporta i unaprjeđenja položaja mladih, a najavljeno je i intenzivnije realizovanje svih aktivnosti koje se tiču poboljšanja ambijenta za život mladog čovjeka u ovom kantonu.

Institut za razvoj mladih KULT bio je jedan od zagovarača inicijative da mladima bude dodjeljen resor koji će se njihovim problemima i potrebama strateški baviti.

Novoosnovano ministarstvo nastalo je kao rezultat razdvajanja ranijeg resora Ministarstva obrazovanja, nauke, kulture i sporta, a sve sa ciljem strateškog djelovanja u ovom polju i ozbiljnijeg bavljenja potrebama mladih, ali i razvojem ključnih oblasti za njihov napredak i razvoj.



Sastanak Ministarstva sa predstavnicima omladinskih organizacija TK



OMLADINSKA ORGANIZACIJA "SVITAC"

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.net

Web: www.svitac.org

FB: www.facebook.com/omladinska.svitac

Dnevne radionice

Omladinska organizacija Svitac je u januaru nastavila sa svakodnevnom aktivnostima. Učesnici su podijeljeni u dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. U toku mjeseca za uzrast 4-7 godina su se organizovale kreativne radionice na temu tolerancija, prijateljstvo i ljubav. Takođe su naučili nove riječi iz engleskog vezane za zimu, te su radili radne listove na te teme. Jedan dan u sedmici je planiran za zajedničko gledanje crtanih filmova i takmičarske igre. Materijali koji su se koristili za realizaciju ovih radionica su ljepilo, karton, kolaž papir, blokovi za crtanje, voštane boje, flomasteri, drvene i vodene bojice. Cilj ovih aktivnosti kao i do sada je da djeca razviju maštu i da koristeći razne materijale izraze svoju kreativnost, takođe da razviju motoriku i poštovanje prema drugima i usvoje lijepo ponašanje.



Poslepodnevna grupa prati raspored koji je svaki dan drugačiji, pokušavajući obuhvatiti što više različitih tema i aktivnosti. (uzrast 8+). Ponedjeljkom je bilo kreativno izražavanje kada su učesnici pravili kreacije vezane za zimske radosti koristeći razne materijale. Utorkom su učili engleski jezik i vježbali svakodnevnu komunikaciju, te razne igre koje poboljšavaju učenje engleskog u grupi i timski rad. Srijedom su radionice turskog jezika, četvrtkom sportske aktivnosti a petkom radionice njemačkog jezika. Cilj i ovih aktivnosti je da učesnici razviju maštu i da koristeći razne materijale izraze svoju kreativnost, razviju motoriku, osjećaj tolerancije, poštovanje prema drugima i usvoje lijepo ponašanje. Radionice se održavaju u Omladinskom centru Brčko distrikta.

„Pričajmo njemački“ – radionice komunikacije na njemačkom jeziku sa izvornim govornicima



Radionice njemačkog jezika se održavaju dva puta sedmično u prostorijama Omladinskog centra Brčko distrikt. Ovaj mjesec su, zbog različitih nivoa poznavanja jezika i gramatike, učesnici radili u dvije grupe - za početnike (utorkom od 18:00-19:00 časova za A1 nivo) i napredne (četvrtak od 17:30 - 18:30 za A2, i 18:30-19:30 B1/B2). Radionice komunikacije na njemačkom jeziku su namijenjene svima koji žele naučiti osnove gramatike, ali i usavršiti već postojeće znanje i steći nova iskustva i poznanstva. Ovaj mjesec su grupe, na svim levelima, radile na čitanju i razumijevanju tekstova prilagođenim njihovom poznavanju vokabulara i gramatike. Grupa A1 je nastavila raditi na vokabularu fraza koje su potrebne za svakodnevnu komunikaciju, akuzativ i modalne glagole. Grupa A2

je takođe radila vokabular za komunikaciju u svakodnevnom životu, nepravilne glagole, modalne glagole i fraze na temu „Tolerancija“. Grupe B1/B2 su radile kompleksnije tekstove, teme praznici, tradicija i kultura u Njemačkoj i BiH.

„I love English“ – radionice komunikacije na engleskom jeziku sa izvornim govornicima

Radionice engleskog jezika se održavaju svake srijede u prostorijama Omladinskog centra Brčko distrikt od 19:00-20:00 časova. Radionice komunikacije na engleskom jeziku su namijenjene svima koji žele naučiti osnove gramatike, upotrebu svakodnevni fraza i drugih elemenata, ali i usavršiti već postojeće znanje i steći nova iskustva i poznanstva.

„Učimo Turski“ – radionice komunikacije na turskom jeziku sa izvornim govornicima

Radionice turskog jezika održavaju se srijedom u prostorijama Omladinskog centra Brčko distrikt od 18:00-19:00 časova. Radionice komunikacije na turskom jeziku su namijenjene svima koji žele naučiti osnove gramatike, upotrebu svakodnevni fraza i drugih elemenata, ali i usavršiti već postojeće znanje i steći nova iskustva i poznanstva. Učesnici su do sada na radionicama imali priliku da vježbaju vokabular, lične zamjenice, te fraze predstavljanja, jednostavne dijaloge iz svakodnevnog života te gramatičko vrijeme prezent tense. Ovaj mjesec održana je i prezentacija/veče turske kulture. Gosti su imali priliku da saznaju više o geografskom položaju ove zemlje, kulturi i svakodnevnim običajima, školskom i državnom sistemu, itd.

Radionice gitare

Učesnici radionice gitare nastavili su sa redovnim aktivnostima uvježbavajući nove tehnike, etide, kompozicije i duete.

Radionice sambe



Učesnici su većinu vremena, na radionicama, proveli ponavljajući kompozicije koje u zadnje vrijeme nisu svirali (Hedge Hog, Welfare State, Xango, Voodoo, Samba Reggae...). Ostatak vremena posvećen je usavršavanju novih kompozicija („Probo“ i „Sirens of Titan“).

Za februar se planira nastavak svih redovnih radionica Omladinske organizacije Svitar.



Međunarodni centar za djecu i omladinu FORTIS

Ul. Suljo Čilić bb, 88420 Jablanica

Tel./fax: +387 63 334 993, +387 61 327 427

E-mail: centarfortis@yahoo.com

Web: www.centar-fortis.org

Mozartove poruke

Projekat „Mozartove poruke“ obuhvatio je izvođenje kompozicija Wolfganga Amadeusa Mozarta popraćene porukama i citatima koje je Mozart izjavio u toku svog 35.-godišnjeg života. Mozart ostaje uzor mladoj populaciji, jer je još kao mlad počeo da svira klavir i velika je inspiracija za učenike koji sviraju u Međunarodnom centru za djecu i omladinu „Fortis“. 27. januara 2018. godine, na 262. rođendan Mozarta pripremili smo kompoziciju Turski marš, popraćen citatima i porukama Mozarta.

Mozartova muzika, kao i Haydnova, predstavljaju prototip primjere klasičnog stila. U to vrijeme kad je počeo komponovati, evropskom muzikom je dominirao stil galant: reakcija koja se razvila protiv velike zamršenosti baroka. Ali postepeno, zahvaljujući samom Mozartu, kontrapunktske složenosti iz kasnog baroka pojavljuju se još jednom, obuzdane i disciplinovane novim oblicima, i prilagođene novim estetskim zahtjevima društvene sredine.

Važan je uticaj koji je Mozart imao na kompozitore kasnijih generacija. Nakon njegove smrti došlo je do porasta njegovog ugleda, a proučavanje njegove muzike je bio standardni dio obuke klasičnih muzičara.

Projekat značajno doprinosi razvoju muzičkih umjetnosti i njime se stvaraju estetske vrijednosti iz oblasti muzičke umjetnosti. Realizuje ga Međunarodni centar za djecu i omladinu „Fortis“. Za projekat postoji podrška kantonalnog ministarstva, kao i Vijeća mladih općine Jablanica, a sufinansiran od strane Fondacije za muzičke, scenske i likovne umjetnosti Sarajevo.

Mozartove poruke:

Muzika je uvijek bila hrana ljubavi, a ljubav je hrana za muziku.

Muzika nije u notama, već u tišini između njih.

Ne obraćam pažnju ni na čije pohvale ili krivice. Jednostavno pratim svoja osjećanja.

Naše bogatstvo, u našim mozgovima, umire sa nama... Osim, naravno, ako neko ne odrubi naše glave, a u tom slučaju nam ionako ne bi trebalo.

Oprostite mi, Veličanstvo! Ja sam prost čovjek! Ali, uvjeravam vas, moja muzika nije.

Muzika je moj život i moj život je muzika. Ko to ne razumije, nije vrijedan Boga.

Ako me ne prihvati Njemačka, moja voljena otadžbina, kojom se, kao što znate, ponosim, onda ću morati, u ime Boga, obogatiti Francusku ili Englesku još jednim sposobnim Nijemcem – na sramotu njemačke nacije.

Najvažnije i najteže i glavno u muzici je tempo.

Melodija je bit muzike.

To je nešto iz čega se nešto može naučiti. (o muzici Johanna Sebastiana Bacha)

Komponovano je skoro sve, ali napisano još ništa.

Nove radosti, nove boli.

Video zapis možete pogledati na linku: https://www.youtube.com/watch?v=L_OBZqWCtMY

Sve dodatne informacije možete dobiti putem Facebook stranice ili internet stranice: www.centar-fortis.org.



Udruženje studenata Medicinskog fakulteta u Tuzli "Medicus"

Univerzitetska br. 1., 75 000 Tuzla


Tel: predsjednik: 062 944-739; sekretar: 060/3101-602;

Telfax: 035/320-600(1).

web: www.us-medicus.ba; e-mail: medicus.tz@gmail.com;

info@us-medicus.ba

Poziv za slanje sažetaka u okviru Tuzla Brain Week 2018.



Tuzla Brain Week 2018 uzima svoje obilježavanje u Tuzli od 12. – 18.03. kao dio globalne kampanje "Brain Awareness Week". Ovo je peta godina zaredom kako se obilježava Tuzla Brain Week, ispred Studentskog vijeća Medicinskog fakulteta Tuzla "MEDICUS" u saradnji sa Medicinskim fakultetom Tuzla i Univerzitetom u Tuzli.

Glavni cilj projekta jeste približavanje tematike neuroznanosti na posebno koncipiran način za svaku populacionu skupinu, s ciljem unapređenja znanja te kreiranja kvalitetnije i osvještenije zajednice kada je u pitanju ova oblast. Jedna od glavnih aktivnosti Tuzla Brain Week 2018 jeste promocija studenata i studentskog rada putem naučnih i naučno-istraživačkih radova.

Ovim putem otvaramo poziv za sažetke (abstrakte) radova svim zainteresovanim studentima koji žele uzeti svoje učešće na Tuzla Brain Week 2018. Pored vrijednih nagrade za najaktivnije, SVI aktivni učesnici će dobiti certifikat priznat od strane

Ljekarske komore i Federacije Evropskih neuroznanstvenih društava!

Sažetak treba da sadrži maksimalno 300 riječi (napisan na engleskom i bosansko-hrvatsko-srpskom jeziku). U pisanju jednog rada može učestvovati do 5 autora, a na poziv mogu aplicirati studenti svih fakulteta i Univerziteta. Ovogodišnje teme su: neurohirurgija, neurologija, psihijatrija, neuroradiologija, biomedicinski inženjering i forenzika, s time da je generalna tema projekta: Mozak budućnosti. Svi radovi moraju biti oralno prezentirani.

Krajnji rok za slanje sažetaka je 20.02.2018,
na e-mail adresu: sekcija.nir@us-medicus.ba

NOVE ČLANICE



Odisej Sarajevo

Zmaja od Bosne 70, 71000 Sarajevo

Tel: 061 773 666

e-mail: odisej.org@gmail.com

web: www.odisej.info

KONTAKT OSOBE :

- Samir Arnautović, predsjednik
- Goran Perc, izvršni direktor

Ciljevi i djelatnosti Udruženja su:

- Promovisanje pozitivnih društvenih vrijednosti kod mladih
- Informisanje mladih i građana uopšte o građanskim, socijalnim i političkim pravima
- Promocija ljudskih prava
- Promocija prava djece bez roditelja
- Promocija borbe protiv rasizma, međunacionalne, međukonfesionalne i međuetničke netrpeljivosti i mržnje
- Promocija borbe za prava žena
- Promocija borbe za prava ugroženih grupa i manjina
- Promocija dijaloga

ISTORIJAT ORGANIZACIJE (do sada urađeni projekti, planovi, kapaciteti...)

NVO Odisej je registrovan od strane bivših studentskih aktivista, radi poduzimanja mjera u pogledu obrazovanja mladih, djece ali i građana.

Prvi projekat koji je označio početak našeg udruženja je "Back on track". Projekat je finansiran od strane Švicarske ambasade, a imao je za cilj imao izradu, štampu i distribuciju knjige „Priručnik za studentsko organizovanje na Univerzitetu u Sarajevu“, koji je štampan u 2500 primjeraka i besplatno podijeljen studentima UNSA i srednjoškolcima. Nakon toga, radili smo seriju predavanja na različite teme od „Sigurnosti hrane“ do „Međunarodnog humanitarnog prava“, gdje je početna sredstva obezbijedio ured podpredsjednika FBiH. Naši članovi su se uključili u razrađen projekat „Zelena oaza“, koji je za rezultat imao poklanjanje staklenika za upotrebu u zatvorenom prostoru mališanima osnovnih škola.

Nekoliko naših članova ili simpatizera nalazi se u različitim gradovima svijeta, putem kojih nastojimo angažovati dijasporu na našim projektima koji su međunarodnog značaja. Trenutno pripremamo jedan međunarodni projekat u saradnji sa O.Š. "Meša Selimović" iz Sarajeva i JU OŠ "Mileva Lajović-Lalatović" iz Nikšića. Tražimo i partnerske škole u Beogradu.



INFORMACIJE / DONATORI / POZIVI

EEA i Norveški fond za grantove za regionalnu saradnju

Podrška organizacijama u Evropi

Rok: 1 juli 2018. godine

Otvorene su aplikacije za “EEA i Norveški fond za grantove za Regionalnu saradnju” za podršku organizacijama iz Evrope koje nastoje da pronađu nova rješenja zajedničkih problema.

Partneri u projektu mogu sarađivati na 2 načina:

- Regionalna prekogranična saradnja između država koje imaju pravo učešća (Sa fokusom na šire regionalne izazove/probleme).
- Transnacionalna saradnja između država koje imaju pravo učešća (Sa fokusom na zajedničke evropske izazove).

Prioritetni sektori njihovo područje fokusa

1. Inovacija, istraživanje, edukacija i konkurentnost
 - **Područje djelovanja:**
 - Razvoj poslovanja, inovacije i SMEs
 - Istraživanje
 - Edukacije, školarine, pripravnički i omladinsko preduzetništvo
 - Balans između radnog i životnog vijeka
 - Društveni/socijalni dijalog – dostojanstven rad
2. Socijalna inkluzija, zapošljavanje mladih i smanjenje siromaštva
 - **Područje djelovanja:**
 - Evropski izazovi javnog zdravlja
 - Inkluzija i ojačavanje Roma
 - Djeca i mladi u riziku
 - Učešće mladih na tržištu rada
 - Lokalni razvoj i smanjenje siromaštva
3. Životna sredina, energija, klimatske promjene i niskougljična ekonomija (ekonomija zagađivanja)
 - **Područje djelovanja:**
 - Okoliš i ekosistemi
 - Obnovljiva energija, energetska efikasnost, energetska sigurnost
 - Ublažavanje i prilagođavanje klimatskih promjena
4. Kultura, Civilno društvo, Dobro upravljanje i osnovna prava
 - **Područje djelovanja:**
 - Kulturno poduzetništvo, kulturno nasljedstvo i kulturna saradnja
 - Civilno društvo
 - Dobro upravljanje, odgovorne institucije, transparentnost
 - Ljudska prava – Nacionalna implementacija
5. Pravosuđe i unutrašnji poslovi
 - **Područje djelovanje:**
 - Azil i migracije
 - Ispravne službe i pritvor pred sudom
 - Međunarodna policijska saradnja i borba protiv kriminala
 - Efikasnost pravosudnog sistema, jačanje vladavine prava
 - Nasilje u porodici i polno zasnovano nasilje
 - Prevencija nesreća i spremnost

Informacije o finansiranju:

Predviđen budžet za ovaj poziv je 15 miliona Evra.

Kriterijumi

- **Vodeći partner:** Bilo koja organizacija registrovana u “*EEA i Norway Grants Beneficiary State*”
- **Beneficirani partneri:** a Bilo koja organizacija registrovana u “*EEA i Norway Grants Beneficiary State*” i da dolazi iz neke od sljedećih država: Albanija, Bjelorusija, Bosna i Hercegovina, Makedonija, Moldavija, Crna Gora, Rusija, Srbija, Turska i Ukrajina;
- Eksperti mogu biti svi kvalifikovani subjekti u državi donora, u državi koja nije članica EU ili iz neke od međunarodnih organizacija.
- Projektni partneri mogu biti organizacije, javne ili privatne, komercijalne ili nekomercijalne i nevladine organizacije i akademije koje su osnovane kao pravna lica, uključujući, ali ne i ograničavajući na:
 - Opštine, organizacije u djelomičnom ili potpunom vlasništvu opština;
 - Regioni, organizacije u djelomičnom ili potpunom vlasništvu regiona, udruženja regiona;
 - Organizacijske jedinice centralne vlade, organizacije djelomično finansirane od centralnih vladinih jedinica, državna preduzeća, državne organizacije;
 - Organizacije civilnog društva, neprofitne organizacije, društvena preduzeća, interesna udruženja pravnih lica, fondacije i zadužbine
 - Kompanije
 - Zadruge (Proizvodnja, stanovanje, potrošnja)
 - Socijalni/društveni partneri (Sindikati, sektorska udruženja, udruženje poslodavaca, privredne komore i industrija)

Kako aplicirati

Konceptna nota bi trebala biti poslana elektronskim putem preko web stranice

Države sa pravom učešća:

Bugarska, Hrvatska, Kipar, Republika Češka, Estonija, Grčka, Mađarska, Latvija, Litvanija, Malta, Poljska, Portugal, Rumunija, Slovačka, Slovenija, Albanija, Bjelorusija, **Bosna i Hercegovina**, Makedonija, Moldavija, Crna Gora, Rusija, Srbija, Turska i Ukrajina.

Više informacija: [EEA and Norway Grants Fund](#).

IMEP: Javni poziv za dodjelu sredstava – New Voices

Program osnaživanja nezavisnih medija (IMEP) objavljuje stalno otvoreni poziv za apliciranje za New Voices grantove. Program osnaživanja nezavisnih medija (IMEP) je finansiran od strane Američke agencije za međunarodni razvoj (USAID).

Grantovi New Voices će se dodjeljivati pojedincima kao što su: nezavisni novinari, vlogeri, blogeri, fotografi, kritičari i građani koji žele da kreiraju medijske sadržaje (novinari – građani), za izradu multimedijalnog sadržaja.

Aplikanti se podstiču da se prijave sa projektnim prijedlozima u kojima je predviđeno kreiranje medijskog sadržaja koji predstavlja kritički pogled na situaciju u BiH, promovira građansku hrabrost, aktivizam, pozitivne priče, poziva na akciju i pozitivne promjene i slično, a koji je u skladu sa ciljevima IMEP-a.

Iznosi koji će se dodjeljivati u okviru New voices grantova iznositi će od 2,000.00 to 5,000.00 USD.

Prihvatljivi kandidati za ovaj Javni poziv su nezavisni novinari (novinari koji nisu zaposleni putem standardnog ugovora o radu s bilo kojom vrstom medija), fotografi, vlogeri, blogera i građani spremni za kreiranje medijskih sadržaja (građani – novinari).

Aplikanti koji ispunjavaju sve uslove mogu aplicirati za više grantova u okviru ovog Javnog poziva. Ovaj poziv je otvoren za sve potencijalne podnosiocce aplikacija sa prebivalištem na teritoriji Bosne i Hercegovine.

Kompletan poziv: [New Voices](#)

Više informacija: <http://objavi.ba/aktivni-grantoviaktivni-grantoviaktivni-grantovi/aktivni-grantovi/>

Grantovi Njemačke ambasade iz oblasti kulture

Institucije i udruženja iz Bosne i Hercegovine kod Njemačke ambasade u Sarajevu mogu predati zahtjev za finansijsku podršku projekata iz kulture. Ambasada u tu svrhu ima formular na dva jezika. Ovaj formular se u potpunosti mora ispuniti, dva odgovorna lica za projekat ga moraju potpisati i zajedno sa detaljnim planom finansiranja (KM ili €) u originalu dostaviti odjelu za kulturu Njemačke ambasade. Ako odluka bude pozitivna, onda se sklapa ugovor između nosioca ugovora i Ambasade, a podrška se isplaćuje. Nosioци projekta se mole da kod apliciranja vode računa o sljedećim pretpostavkama:

Projekat iz kulture mora

1. imati jak značaj povezanosti između BiH i Njemačke
2. imati dugoročni cilj i time imati duži period djelovanja tj. i nakon događaja
3. imati težište na jednu temu koju Ambasada odredi, tematska težišta se mogu doznati u Ambasadi.
4. da se projekat sufinansira vlastitim sredstvima ili lokalnim sponzorima

Projekat iz kulture ne smije:

1. biti podržan sredstvima Goethe-Instituta ili drugim javim sredstvima iz Njemačke
2. trajati više godina
3. biti započet ili već završen

Novac za podršku projekta se mora koristiti za stvarni kulturni dio projekta, npr. honorar za njemačkog umjetnika, koji nastupa u BiH ili vodi radionicu. Štampanje promotivnog i reklamnog materijala (plakati, letci, itd.) za manifestaciju se može finansijski podržati. Dodatni troškovi kao npr. hrana za jedno izvođenje ne može biti plaćena. Administrativne troškove mora snositi nosilac projekta.

Primjeri za podržane projekte su:

- nastup/radionica njemačkih umjetnika na manifestacijama bosanskohercegovačkih nosioca projekta (npr. Musica ad Hominem, društvo pisaca BiH, Sarajevo Kids Festival, Mostar Streets Art itd.)
- nagrade za pobjednike na takmičenjima koja su povezana s Njemačkom npr. (takmičenje u pisanju pismenih sastava, pozorišno takmičenje, itd.)
- prijevoz muzičara i opreme za učešće na važnim koncertima u Njemačkoj

Formulare za apliciranje i obračun možete naći na našoj web stranici. Tu ćete naći i uzorak finansijskog plana i ugovora o podršci (da bi ste se mogli orijentisati). Uz aplikaciju je potrebno dostaviti i prateće pismo u kojem se nosilac projekta kratko predstavlja (datum osnivanja udruženja i tome slično, broj članova, struktura članova, kako se finansira, itd). Molim Vas da svoju aplikaciju predate blagovremeno, što znači najmanje tri mjeseca prije početka projekta. Ukoliko bi Ambasada morala tražiti još dodatnih dokumenata, onda oni moraju u roku od dvije sedmice biti dostavljeni. Kompletna korespondencija (uključujući i formulare) je na njemačkom ili engleskom jeziku.

Više informacija: [Grantovi kultura](#)

Grantovi za Grass Roots projekte (GAGP)

Vlada Japana je prvi put 1989. godine pokrenula program pomoći pod nazivom "Grass Roots Projects (GAGP)", temeljni projekti, kao dodatak Generalnom programu pomoći vlade Japana. Od 1996 godine preko 180 projekata u ukupnom iznosu od cca. 10 miliona EUR / 19 miliona KM je implementirano u Bosni i Hercegovini u okviru GAGP programa.

Iako obje sheme imaju za cilj pružanje pomoći zemljama u razvoju u namjeri da im pomogne da zadovolje osnovne ljudske potrebe i riješe socijalno-ekonomske izazove, GAGP je fokusiran na podršku lokalnim zajednicama, odnosno direktno stanovništvu.

U okviru GAGP grantovi se dodjeljuju javnim institucijama (općinama i općinskim javnim poduzećima), osnovnim školama, domovima zdravlja ili organizacijama civilnog društva koje sprovode relativno male projekte.

2. Prioriteti

Unutar programa GAGP Japan podržava širok spektar projekata koji se baziraju na osnovne ljudske potrebe, kao i koji se baziraju na sigurnost. U Bosni i Hercegovini većina projekata koji se implementiraju unutar GAGP spada u sljedeće kategorije:

- Pomoć aktivnostima za deminiranje
- Javno zdravstvo
- Obrazovanje
- Socijalna zaštita
- Ruralni razvoj

3. Aplikanti

Prihvatljivi aplikanti su: javne institucije (općine i općinska javna poduzeća), osnovne škole, domovi zdravlja i lokalne i međunarodne organizacije civilnog društva

Neprihvatljivi aplikanti su: fizička lica, organizacije centralne vlasti (prihvatljivi samo u izuzetnim slučajevima) obdaništa, istraživački instituti, institucije višeg obrazovanja, bolnice, političke organizacije, vjerske ustanove.

4. Grant

GAGP finansira izgradnju i/ili nabavku opreme i/ili materijala. Svi predloženi materijali, oprema i usluge, treba da budu nabavljeni od domaćih dobavljača.

Grantovi isključivo pokrivaju troškove nabavke robe/usluga bez PDV-a.

Administrativni i operativni troškovi nisu prihvatljivi.

Maksimalan iznos raspoloživih sredstava po projektu je 10 miliona JPY (približno 80,000.00 EUR-a ili 156,000.00 KM), osim za projekte pomoći aktivnostima za deminiranje gdje maksimalan iznos granta može biti veći od 10 miliona JPY.

GAGP neće pružiti finansijsku potporu za projekte kao što su kulturno sportski događaji, aktivnosti vezane za biznis, niti za aktivnosti koje se odnose na religiju.

5. Podnošenje aplikacije i procedure koje treba da se slijede

1. Dostava aplikacije

Aplikacija se ispunjava na lokalnom ili engleskom jeziku, te dostavlja putem pošte na adresu ambasade: Bistrik 9, 71 0000 Sarajevo. Aplikacija se može dostaviti tokom cijele godine.

2. Provjera i odobravanje

Po primitku aplikacije, Ambasada Japana provjerava cilj, troškove i očekivani socijalno-ekonomski pozitivni uticaj projekta. Za sve projekte koji su uzeti u razmatranje Ambasada će napraviti pred-selekciju

onih projekata koji odgovaraju ciljevima GAGP i osoblje Ambasade će upriličiti posjetu potencijalnom projekt području. Ambasada će ih predložiti Ministarstvu inostranih poslova Japana koje je krajnja institucija koja odobrava projekte.

3. Grant Contract (G/C) – Grant ugovor

Po konačnom odobrenju, ambasada Japana i organizacija koja prima pomoć će zaključiti ugovor (G/C) koji uključuje naziv, cilj i sadržaj projekta, naziv organizacije primaoca pomoći, visinu iznosa koji će biti obezbjeđen putem GAGP i stavke o ispravnom utrošku sredstava.

4. Trošenje sredstava

Nakon toga, korisnik granta će zaključiti ugovor o nabavci (P/C) za robu i/ili usluge sa dobavljačem. Ambasada će pregledati P/C (ili dokaz/predračun) da bi ustanovila da li je ista odgovarajuća.

U načelu trajanje projekta (vrijeme neophodno za nabavku robe i /ili usluga) bi trebalo biti do jedne godine dana.

5. Izvještavanje

Ambasada će tražiti od primaoca GAGP granta da pripremi i dostavi izvještaj o stanju projekta i to dva puta ukoliko se radi o standardnom projektu, a ukoliko je obim projekta veći broj traženih izvještaja će biti veći. Osoblje Ambasade može posjetiti mjesto projekta da bi se uvjerilo da se sredstva koriste za namjenu za koju su odobrena.

Više informacija: <http://www.bosnia.emb-japan.go.jp/BHS/EconomicGAGP.html>



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:
Omladinski resursni centar Tuzla

**Hadži Bakirbega Tuzlića 1
75000 Tuzla
tel/fax: 035 258 077
e-mail: orcuzla@bih.net.ba
hcatuzla@bih.net.ba**

*Mjesečni bilten uređuje
Omladinski resursni centar -
ORC Tuzla*

*Prevod Biltena na engleski:
Stefan Cvijanović – prof.
engleskog jezika*

*WEB stranica Mreže:
www.omladina-bih.net*

*Mejling lista Mreže:
posta@omladina-bih.net*

*Webmaster:
emir.delalic@gmail.com*